

بانادی عليك



بانادی عليك
ماتیجی نبتدی القصة
من الأول

نخلى قلوبنا تتصافی
عشان الحزن لايعشش
ولا يطول

ولأجل مايبجي علينا يوم
نلاقى قلوبنا تتحول

كمان مش صعب نتصالح
وننسى اللى حصل بيننا
وننسى زعلنا وهمونا

وبإيدينا..نطوح كل خلافتنا

ورا ضهورنا

عشان بذرة أمل تطرح

تنور جوه ف قلوبنا

ياشمس نهارنا ودليلنا

تعالى.. نورى طريقنا

ومدى إديك وادعيننا

وخلى ضياك من تانى

يجمّع بين مشاعرنا